

XITATIMENDE XA VUHANGALASAMAHUNGU: KU NGUNGUMERISIWA KA TISIGARETE – NDZILEKANI WA BEITBRIDGE – 20 MUDYAXIHI 2023

Tshwane, 20 Mudyaxihi 2023 – Xiyenge xa Khasitomo xa Vukorhokeri bya Xibalo bya Afrika-Dzonga (SARS) xi yimisile hi Mugqhivela ti 20 Mudyaxihi 2023 tiraka leyi a yi rhwarile 440 wa tikheyisi letikulu ta tisigarete ta Remington Gold, leti nga na nkoka wa ntsengo lowu pimanyetiweke wa R9 million, leti tivisiweke hi ndlela ya vunwa ya ku va ti ri *Cotton Oil Cake*.

Muofisiri wa Khasitomo loyi a endla nkambelo wo tlovatlova u tele hi ku ehleketelela loko nkoka wa tinhundzu leti tivisiweke eka tsalwa na ndzhwalo lowu nga eka tiraka swi nga yelani. Endzhaku ko vutisisa muchayeri, tihlamulo leti a ti nyikeke a ti nga fambisani na tsalwa. Kwalaho u kongomisile tiraka eka mboyamo wa nkambelo no pakunulula ndzhwalo no kumiwa ka tinhundzu leti a ti tumbetiwile ehansi ka *Cotton Oil Cake*.

Tiraka na tinhundzu swi khomiwile no vekiwa eka Vuhlayiselo bya Mfumu bya SARS. Muehleketeleriwa/muchayeri u khomiwile no heleketiwa eka SAPS.

Khomixinara wa SARS Edward Kieswetter u bele vaofisiri mavoko eka ku tinyiketela ka vona ku sirhelela ikhonomi ya tiko. U te “SARS yi le ku tirheni kun’we na xikongomelo xa yona xa kungu xo endla swi nonoha no durha eka vahakelaxibalo na vaxavisi lava xisaka SARS hi vomu, ku ta tirhaniwa na vona hi matimba na tihanyi. SARS hi ku tirha na tiejensi tin’wana to hlayisa nawu va tshama va tiyimiserile eku tirhaneni na vugevenga na nkavulandzelelanawu eka nawu wa tiko wa khasitomo”.

Mayelana na vuxokoxoko byo engetelela u komberiwa ku tihlanganisa na SARSMedia@sars.gov.za.

Vona swifaniso laha hansi!



